



# SIUMUT

## INATSISARTUNI ILAASORTAATITAT / LANDSTINGSGRUPPEN

11. april 2011

Inatsisartut suleriaasianni § 37 naapertorlugu Naalakkersuisunut apeqqut imattoq matumuuna saqqummiuppar:

### Naalakkersuisunut Apeqqut:

1. Nunatsinnit qalerallit **15.000 tons-it 2009-imni suliarinagit annissuutat suliffissaqartitsisussaagaluartut pillugit Naalakkersuisut pilersaaruteqarpat nunatsinni suliarineqartalernissaannik?**
2. **Sulinuteqartoqarpat qaqagu tamanna piviusunngussava?**
3. **Uummannap eqqaani ukioq manna qaleralinnik tunisinissamut ullormut kg-lut qassit tunissaneraat aaliangersaasoqaramiuna?**
4. **Ullormut tunisassat aalajangersorneqarnerinut pissutaava uummannap eqqaani qaleralinnik sinniilluni aalisartoqannginissaa?**
5. **Upernaviup eqqaani umiarsuarmik tunitsivilinissamut ukioq manna qinnuteqartoqarpa?**
6. **Naalakkersuisut ilisimatitsissutigisinhaavaat kikkullu qinnuteqarsimanersut?**
7. **Ukiut siuliini 2010 2009-imilu upernaviup eqqaani umiarsualiinissamut qaleralinnut tunitsivimmik qinnuteqartoqartarsimava?**
8. **Qinnuteqartoqartarsimappat sooq upernaviup eqqaani umiarsualiinissamut itigar-tinneqartarp?**
9. **Uummannap eqqaani qaleralinnut tunitsivissamik umiarsualiinissamut ukioq manna pilersaaruteqartoqarpa?**

(Inatsisartuni ilaasortaq, Kristian Jeremiassen Siumut)

### Tungavilersuut

Qaasuitsup Kommunea qaleraleqarfivoq taamaattorli suliffissaaleqiffissuulluni, Qaasuitsup Kommunea-ni marts qaammaataani inuit 1564-it suliffissaaleqipput qalerallilli suliffissaqartitsisusut annissorneqaannarlutik nunat allamiut suliffissaqartinneqarlutik.

Taamaammat Naalakkersuisunut apeqqutigvara qalerallit qeritiinnarlugit nunatsinniit annissorneqartartut nunatsinni suliarineqartalernissaat pillugit Naalakkersuisut sulinuteqarnersut.

Qalerallit qeritiinnarlugit annissorneqartartut pillugit suliarineqartalissappata qaqqau piviusunngussanersoq Naalakkersuisunut tamanna aamma nassuaqquara.

Uummannap eqqaani ukioq manna qaleralinnik tunisinissamut ullormut kg-lut qassit tunissaneraat aaliangersaasoqarsimanersoq paaserusupparo ilumoornersoq, Uummannap kangerluani innuttaasunit tamanna apuunneqarmat.

Ullormut tunisassat aalajangersorneqarnerinut pissutaanersoq paaserusupparo uummannap eqqaani qaleralinnik sinniilluni aalisartoqannginissaa anguniarlugu? Isumaqpunga killilersuisoqalerpat taamatut aalisartunut ilaquaanullu peqqinnanngitsoq oqarsinnaannginnattami ullormi tassani qalerallit uaniissasut qalerallilli tassaapput uumasut uninngaannanngittut taamaammat oqarsinnaanngilagut imatut ullumi tunisisoqassasoq, inuunerpummi taamaanngimmat.

Upernaviup eqqaani aamma aalisartut akisunerumik tunitsiveqarnissartik kissaatigisarpaat taamaammat paaserusuppara ukioq manna pilersaaruteqartoqarnersoq Upernaviup eqqaani umiarsuarmik tunitsivilisoqarniarnersoq? Tunitsivilisoqarniarpammi aalisartukkormiunut aammalu Qaasuitsup kommunea-nut akileraarutitigut annerusumik iluaqutaassammat taamaalilluni aningaasat amerlanerusut sulitinneqalissammata

Paaserusuppara Upernaviup eqqaani qaleralinnut tunitsivilinissamut 2010-imi aammalu 2009-imi qinnuteqartoqartarsimanersoq. Qinnuteqartoqartarsimappat sooq upernaviup eqqaani umiarsualinissamut itigartitsisoqartarsimanersoq aammattaaq paaserusuppara.

Uummannap eqqaani qaleralinnut tunitsivissamik umiarsualinissamut ukioq manna pilersaaruteqartoqarnersoq aamma paaserusuppara tunitsivilisoqassappammi aalisartukkunnut aningaasatigut pitsasumik kinguneqassammat akit qaffannerisa kingorna, tamannattaarlu Qaasuitsup Kommunea-nut tamanna aamma iluaqutaassaaaq qujanaqisumik.

Kissaatigaara apeqquteqaatikka ullut suliffiusut qulit iluanni akineqareersimanissaat.